



22. Marts 2019

UPA 2019/209 aamma 57

Atassut

Bentiaraq Ottosen

Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq.

(Peqqissutsimut, Isumaginninnermut Inatsisinillu Atuutsitsinermut Naalakkersuisoq)

Tallimanngornerup arfininngornerullu unnuaani kiisalu ullut freerfiusussat nallilerneranni ullaassakkut 05.00-p tungaanut imigassamik sassaaliisalernissaq anguniarlugu Imigassamut inatsimmi § 26-p allanngortinnissaanut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Naalakkersuisut imigassamut inatsit ulloq. 01. Marts 2018 atuutilersinneqartoq pillugu nutaamik inatsisissatut siunnersuummik Inatsisartunut suliassanngortitsipput.

Inatsisartut ukiakkut ataatsimiinneranni immikkoortut pineqartut UKA 2018/52, UKA 2018/53, UKA 2018/54, UKA 2018/55 allannguutissatut siunnersuutigineqarput, tamannalu Inatsisartuni ilaasortat amerlanerussuteqartut allannguutissatut siunnersuutit akuersissutigaat.

Atassummiit isumaqarpugut tamanna naapertuuttumik inatsisissamik maannakkut suliaqartoqartoq, takusinnaagatsigummi nunatsinni imigassaq anneruniutigineqanngitsoq. Nunatsinni pinerluttulerinnermut inatsit naapertorlugu politiit pisinnaatitsissuteqarput imigassartorfiusuni, angerlarsimaffinni, niuertarfinni, imerniartarfinnilu unioqputitsisoqarsimatillugu suliamik naammassinninnissaminnik, tamanna inatsit takutereerpaa politiit imigassamik sassaallerfiusumi pinerluttuliornermik unioqputitsisoqarsimanersoq inerteqqutigissallugu.

Ukiakkut ataatsimiinnitta nalaani oqariartuutigisimasarput suli attapparput, isumaqarattami imigassaq pillugu Inatsisartut Inatsisaanni § 25 aamma §26, §28 naapertorlugit imigassamut nioqquteqartarnermut piffissalersuineq, imigassanillu ussassaarisarisarneq pillugu pisiniarfinni saajorsuit atorlugit nioqqutissanik mattussineq tulluartuungitsoq. Sumiluuniit akisussaassuseqarneq inuiaqatigiinni atuuppoq.

Taamatut oqaaseqarluta Naalakkersuisut imigassaq pillugu inatsimmut allannguutissatut siunnersuutaat imm. 209 ataatsimiititaliamut suliareqqitassanngorlugu innersuupparput.

Imerniartarfiit 03.00 matugaangata nangikkiartarnerit, angerlarsimaffinni eqqissiviilliornerit, imigassamik akuersissuteqarani tuniniaasarnerit annertuumik takussaagajuttarput. Imerniartarfiit ammasarfiisa sivitsorneratigut ajornartorsiutip qaangerneqarnissaa qularnarpoq, ukiorpassuarnimi ajornartorsiutaasoq ilisimaarilluinnarparput. Nangikkiarnerni, akuersissuteqarani imigassanik



tuniniaanerni pinerluttulerinermi inatsimmi sakkortuumik inatsiseqarpugut, taamaattumik eqqoriaaqattaarluta pisinnaangilagut ammasarfiillu allanngorteqattaarlugit.

Susasaqartut, innuttaasut, imerniartarfiutillit, politiit, politikkerillu misilittakkanik eqqoriaanertulluunniit isummersorpugut. Nassuerutigisariaqarparpulli tamatta nalugatsigu qanorpiaq kinguneqassanersoq allannguigutta.

Eqqoriaaqattaarnerit pinngitsoortinniarlugit ataatsimiititaliami siunnersuut imm. 57 nalilersorneqarluarnissaa, suullu pisariaqartinneqartut susasaqartullu isumasiorluarlugit eqqartorneqarnissaa innersuupparput.